

Божхона қўмитаси томонидан 2023 йилнинг 1 ярим йиллиги давомида амалга оширилган ишлар

Ушбу даврда мамлакатимиз иқтисодий хавфсизлигини таъминлаш, божхона тартиботларини соддалаштириш, Ўзбекистоннинг экспорт салоҳиятини янада оширишга қаратилган кенг қамровли ислохотлар амалга оширилди.

Хусусан, Давлатимиз раҳбарининг 2022 йил 27 апрелдаги “Божхона маъмуриятчилигини янада такомиллаштиришга доир қўшимча чора-тадбирлар тўғрисида”ги Фармони божхона юк операцияларини рақамли трансформация қилиш орқали инсон омилини кескин қисқартириш, божхона соҳасини очиқлик, шаффофлик ҳамда ишончлилик тамойиллари асосида коррупциядан холи тизимга айлантиришда муҳим ўрин тутди.

Тадбиркорлик фаолиятини қўллаб-қувватлаш мақсадида 2023 йилнинг 1 ярим йиллигида 6,5 мингдан ортиқ ташқи иқтисодий фаолият катнашчиларига 24,7 трлн сўм миқдорида божхона тўловларидан имтиёз ва тариф преференциялари қўлланилди.

Ушбу давр мобайнида Давлат бюджетига 25,5 трлн сўм миқдорида божхона тўловлари ундирилди.

Шунингдек, тадбиркорларга 4 трлн сўм миқдоридаги божхона тўловларини кечиктириб тўлашга рухсат берилди.

Имтиёз ва преференциялар, кечиктиришга рухсат берилган божхона тўловларининг миқдори ўтган йилнинг шу даврига нисбатан 11 фоизга ёки 2,9 трлн сўмга ошди.

Тадбиркорларга берилаётган ушбу имтиёзлар уларнинг айланма маблағларини ортишига, янги иш ўринлари яратилиши ҳамда корхоналарнинг экспорт салоҳияти юксалишига хизмат қилмоқда.

Тизимда рақамли божхона тамойилини кенг жорий қилиш ҳамда тадбиркорларга қўшимча қулайликлар яратиш мақсадида “Божхона тўловларини кечиктириб ёки бўлиб тўлаш”, “Ташқи иқтисодий фаолият иштирокчиларининг пул маблағларини қайтариш” интерактив хизматлари амалиётга киритилди.

Божхона кўриги самарадорлигини ошириш мақсадида “Божхона кўриги” ахборот тизими ишлаб чиқилиб, амалиётга жорий этилди.

Тадбиркорларга сифатли божхона хизматларини кўрсатиш мақсадида ташқи иқтисодий фаолият товарлар номенклатураси коди бўйича дастлабки қарор бериш жараёнлари рақамлаштирилиб, 2 170 та дастлабки қарорлар қабул қилинди;

Божхона органларига халқаро курьерлик жўнатмаларига оид электрон маълумотлар тақдим этилишини таъминлаш мақсадида “Е-транзит” дастури доирасида “Е-тижорат” модули ишлаб чиқилди.

Товарларни божхона экспертизасидан ўтказиш жараёнларини рақамлаштириш мақсадида, “Е-эксперт” ахборот тизими амалиётга жорий этилди.

Ўтган йилнинг шу даврига нисбатан ташқи савдо айланмаси 20 фоизга ёки 4 млрд долларга, ҳаракатланган автотранспорт ва темир йўл вагонлари сони 49 фоизга ёки 640 мингтага, йўловчилар сони 2,5 баробарга ёки 12,5 млн нафарга ортган бўлсада, соҳани рақамлаштириш ҳисобида:

- божхона расмийлаштируви вақти 2 баробарга қисқарди
- импорт товарларининг 80 фоизи ва экспорт товарларининг 89 фоизи соддалаштирилган тартибда расмийлаштирилди.
- юк декларацияларини инсон омилисиз автоматик расмийлаштириш ҳажми 29 фоизга етказилиб, бу кўрсаткич экспортда 85 фоизни ташкил қилмоқда.

Халқаро ҳуқуқий базани кенгайтириш борасида Хитой, Саудия Арабистони, Қатар ва Қирғиз Республикаси билан божхона соҳасига оид 4 та халқаро ҳужжатлар имзоланди;

Соҳага 2,8 млн долл. миқдоридаги грантлар жалб қилиниб, божхона объектлари зарур назорат-техник воситалари билан таъминланди.

Хавфларни бошқариш ва яширин иқтисодиётга қарши курашиш, аҳоли соғлиғи ва хавфсизлигини таъминлаш мақсадида:

божхона органлари томонидан ушбу даврда жами 9 915 та қонунбузарлик ҳолатлари аниқланиб, 496 млрд сўмлик товарларнинг ноқонуний айланмасига чек қўйилди.

632 млрд сўм қўшимча божхона тўловлари ундирилди.

Шунингдек, қарийб 205 кг гиёҳвандлик воситалари, 124,5 минг дона кучли таъсир этувчи ва 2 206 дона психотроп моддалар, шунингдек, 441 дона ўқ, 643 дона гильза ва 12 дона қурооллар ушлаб қолинди.

Умумий қиймати 37,5 млрд сўмни ташкил этувчи, 1 млн.600 минг қути тамаки маҳсулотларининг ноқонуний айланмасига чек қўйилди.

Халқимизнинг бой маданий ва тарихий меросини асраб қолиш мақсадида 2 614 дона маданий бойликларнинг божхона чегаралари орқали ноқонуний олиб ўтилишининг олди олинди.

Шунингдек, божхона органлари томонидан ҳудудларни ижтимоий-иқтисодий ривожлантириш, аҳоли турмуш даражасини яхшилаш борасидаги амалий ишлар изчиллик билан давом эттирилмоқда.

Хусусан, Тиббий-ижтимоий муассасаларнинг моддий-техник базаси ва инфратузилмасини яхшилаш мақсадида Тошкент шаҳри, Фарғона, Жиззах ва Сирдарё вилоятларидаги 6 та “Саховат” ва “Мурувват” интернат уйларида мукамал таъмирлаш ҳамда реконструкция ишлари давом эттирилмоқда.

Республикамиз миқёсида қайта тикланувчи энергия манбалари жорий этилишини назорат қилиш йўналишида

Давлатимиз Раҳбарининг 2023 йил 16 февралдаги 57-сон қарори ижросини таъминлаш мақсадида:

Энергетика ва Қурилиш вазирликлари, Божхона қўмитаси раҳбарларидан иборат Республика штаби ҳамда куёш панелларини ўрнатиш ишларини

мувофиқлаштириш бўйича **божхона ходимларидан** иборат **ишчи гуруҳлари** ташкил этилиб, **37 мингга яқин объектлар** мониторинг қилинди.

Қуёш панелларини ўрнатиш ва бу борада ҳаққоний ҳисоботлар юритилишини таъминлаш мақсадида божхона органлари томонидан **“Яшил энергия” ахборот тизими** ишлаб чиқилди.

Ушбу ахборот тизимида жорий йилда қуриб фойдаланишга топшириладиган **кўп қаватли уйлар, ижтимоий соҳа объектлари** ва давлат идоралари **бинолари, аҳоли хонадонлари** ҳамда **тадбиркорлик субъектларининг бино ва иншоотларида** бугунги кунга қадар ўрнатилган умумий қуввати **219,1 МВт**ни ташкил этувчи муқобил энергия манбалари тўғрисидаги маълумотлар қайд этилди.